

駢志卷之十一

駢志卷之十一

一集

已部下

海虞陳禹謨錫玄甫輯

三日相承

兩月相承

晉書愍帝二年有三日相承出于西方而東行

南史梁武太清二年春正月朔兩月相承如鈞見于西

方

評曰閏呂氏春秋有衆日並出小月承大月大月承小月嘗誕而不信也觀晉季諸異始信而有徵矣

三日並照

兩日俱見

載記劉聰時東宮鬼哭赤虹經天南有一岐三日並照各有兩珥五色甚鮮客星歷紫宮入于天獄而滅

南史梁元帝承聖元年時有兩日俱見

日隕于地

日出于夜

晉書愍帝二年辛未辰時日隕于地

又元帝太興元年冬劉曜僭卽皇帝位于赤壁十一月

乙卯日夜出高三丈中有赤青珥

日中有若飛鸞

日中有三足鳥

晉天文志惠帝元康九年正月日中有若飛鸞者數日

乃消又懷帝永嘉五年三月庚申日散光如血下流所

照皆赤日中有若飛鸞者

又穆帝永和八年張重華在涼州日暴赤如火中有三

足鳥形見分明五日乃止

月暈左角占角蟲將死

驛馬星流計赦書應至

北史天興五年月暈左角晁崇奏占爲角蟲將死帝旣
尅姚平于柴壁以崇言之徵遂命諸軍焚車而反牛果
大疫輿駕所乘數百頭亦同日斃于路側自餘首尾相
繼是歲天下牛死者十七八麋鹿亦多死

又明元時有容城令徐路善占候坐繫冀州獄別駕崔
隆宗就禁慰問之路曰昨夜驛馬星流計赦須臾應至
隆宗先信之遂遣人出城候焉俄而赦至

七星化人

七星化豕

國史纂異云太宗時李淳風奏北斗七星當化爲人明日至西市飲酒使人候之有僧七人共飲酒二石太宗遣人召之笑曰此必李淳風小兒在彼言我也忽不見西陽雜俎云僧一行幼嘗有德於王姥王姥兒殺人係獄姥求救於一行一行乃徙大瓮于渾天寺中授布囊千二奴曰某坊廢園至昏當有七物入來可盡掩之酉後果有群豕至奴悉獲之一行令寘瓮中玄宗急召一行問曰太史奏昨夜北斗不見是何祥也師有以禳之乎一行曰後魏時失熒惑至今帝車不見古所無者天

將大警于陛下也莫若大赦天下玄宗從之一行歸放

豕出又其夕太史奏北斗星見凡七日而復

天雨金三日

天雨金十斛

述異記先儒說夏禹時天雨金三日古詩云安得天雨金使金賤如土是也又周成王時咸陽雨金今咸陽有雨金原

又漢世翁仲孺家貧力作居渭川一旦天雨金十斛于其家

天雨稻

天雨粟

述異記大禹時天雨稻古詩云安得天雨稻飼我天

民下

又呂后三年天雨粟又漢宣帝時江淮饑饉人相食雨

穀三秦魏地亡穀二十頃又漢武帝時廣陽縣雨麥

永光天雨草

元始天雨草

漢書五行志元帝永光二年八月天雨草而葉相繆結

大如彈丸

又平帝元始三年正月天雨草按京房易傳曰君客

于祿信衰賢去厥妖天雨草

夏霜

晝霜

命歷序桀無道夏隕霜又穆公卽位仲夏隕霜殺草

日中不消又五行志證聖元年六月陸州隕霜殺草

吳越地煖而盛夏隕霜昔所未有

隋書北齊武成時晝霜下

洛竭

淮竭

史記周幽王二年西周三川皆震伯陽甫曰昔伊洛竭

而夏亡今周德若二代之季山崩川竭亡之徵也

南史宋太始季年岷益有山崩淮水竭齊郡明僧紹竊

謂其弟曰夫天地之氣不失其序陽伏而不泄陰迫而

不蒸于是乎有山崩川竭之變昔伊洛竭而夏亡河竭

而商亾三川竭岐山崩而周亾五山崩而漢亾夫有國必依山川而爲固山川作變不亾何待今宋德如四德之季爾誌吾言爾勿泄也竟如其言

秦武王時渭水赤三日

秦昭王時渭水赤三日

五行志秦武王三年渭水赤者三日昭王三十四年渭水又赤三日劉向以爲近火沴水也秦連相坐之法棄灰于道者罔密而刑虐加以武伐橫出殘賊鄰國至于變亂五行氣色謬亂天戒若曰勿爲刻急將致敗亾秦遂不改至始皇滅六國二世而亾昔三代居三河河洛出圖書秦居渭陽而渭水數赤瑞異應德之效也京房

易傳曰君酒于酒淫于色賢人潛國家危厥異流水赤也評曰按新序論衡衛鞅一日臨渭而論國七百餘人渭水盡赤號哭之聲動於天地蓋武昭渭赤之異至此驗已

河赤于龍門三日

河赤于龍門三里

竹書紀年梁惠成王四年河水赤于龍門三日

竹書紀年晉昭公元年河赤于龍門三里 又京房易

占河水赤下民恨

水赤如血

水黑如墨

南史陳太建十四年秋七月自建鄴至荊州江水色赤

如血

又陳禎明二年四月郢州南浦水黑如墨

石言于魏榆

石言于平陽

左傳昭公八年石言于晉魏榆晉侯問于師曠曰石何
故言對曰石不能言或馮焉不然民聽濫也抑臣又聞
之曰作事不時怨讟動于民則有非言之物而言今宮
室崇侈民力雕盡怨讟並作莫保其性石言不亦宜乎
晉書愍帝建興五年石言于平陽是時帝蒙塵亦在平
陽 又載記石言于陝若言勿東者

石然于泰山八日而滅

土然于關中月餘不滅

載記石季龍時石然于泰山八日而滅

又初秦之末亂也關中土然無火而烟氣大起方數十
里中月餘不滅

石碑生金

墓碑生金

晉書懷帝永嘉元年項縣有魏豫州刺史賈逵石碑生
金可採

又庾冰令郭璞筮其後嗣卦成曰卿諸子並當貴盛若
墓碑生金庾氏之大忌也後果墓碑生金俄而爲桓溫
所滅

城見血而去

闔有血便走

神異傳秦時長水縣有童謠曰城門當有血城陷沒爲湖有老嫗聞之憂懼日往窺城門門侍欲縛之嫗言其故嫗去後門侍煞犬以血塗門嫗又往見血走去不敢顧忽有大水長欲沒縣主簿令幹入白令令見幹曰何忽作魚幹又曰明府亦作魚遂乃淪陷爲谷矣

淮南子歷陽之都一夕反而爲湖勇力聖智與罷怯不肖者同命 高誘注云歷陽淮南國縣名昔有老嫗嘗行仁義有二諸生過之謂曰此國當沒爲湖謂嫗視東城門闔有血便走上北山勿顧也自此嫗便往視門闔闔者問之嫗對曰如是其暮門吏故殺雞血塗門闔明旦老嫗早往視門見血便上北山國沒爲湖與門吏言其事適一宿耳一夕旦而爲湖也

霍禹第門自壞

董賢第門自壞

漢書霍禹第中鼠暴多與人相觸以尾畫地鴉數鳴殿前樹上第門自壞雲尚里宅中門亦壞巷端人共見有人居雲屋上撒瓦投地就視亡有 按五行志曰時禹內不順外不敬見戒不改卒受滅亡之誅

又哀帝詔將作大匠爲董賢起大第北闕下重殿洞門木土之功窮極技巧柱檻衣以綈錦下至賢家僮僕皆

受上賜及武庫禁兵上方珍寶其選物上第盡在董氏而乘輿所服迺其副也賢第新成功堅其外大門無故自壞按五行志時賢以私愛居大位賞賜無度嬌嫚不敬大失臣道見戒不改後賢夫妻自殺家徙合浦板幹一夜自移

六梁一時躍出

魏土地記盧植言代城之初築也板幹一夜自移此故代西南五十里大澤中營城自護結葦爲九門于是就以爲治城圓匝而不方周四十七里開九門更名其故曰東城又應劭曰城徙西南去故代五十里故名代曰東城

晉書周筵于姑熟立屋五間而六梁一時躍出墮地衝獨立柱頭零節之上甚危雖以人功不能然也

襄平北生肉

平陽北生肉

魏志初公孫淵家數有怪犬冠幘絳衣上屋炊有小兒蒸炙餽中襄平北市生肉長圍各數尺有頭目口喙無手足而動搖占曰有形不成有體無聲其國滅

載記劉聰時流星起于牽牛入紫微龍形委蛇其光照地落于平陽北十里視之則有肉長三十步廣二十七步臭聞于平陽肉旁常有哭聲晝夜不止聰甚惡之

涿郡鑄鐵鐵飛上

沛郡鑄鐵鐵不下

漢書五行志征和二年春涿郡鐵官鑄鐵鐵銷皆飛去又和平二年春沛郡鐵官鑄鐵鐵不下隆隆如雷聲又如鼓音工十三人驚走音止還視地地陷數尺鑪分爲十一鑪中銷鐵散如流星皆上去

銅人生毛

金像生毛

漢書郊祀志宣帝甘露元年正月上幸甘泉郊泰畤其夏黃龍見新豐建章未央長樂宮鍾虡銅人皆生毛長一寸所時以爲美祥

洛陽伽藍記太常民劉胡兄弟四人以屠爲業永安年

中胡煞猪猪忽唱乞命聲及四隣隣人謂胡兄弟相毆鬪而來觀之乃猪也卽捨宅爲歸覺寺合家人入道焉普泰元年此寺金像生毛肩髮悉皆具足尚書左丞魏季景謂人曰張天錫有此事其國遂滅

畫人縮頭

游仙震動

載記石季龍時太武殿畫古賢悉變爲胡旬餘頭悉縮入肩中季龍大惡之佛圖澄對之流涕

梁武帝紀太清元年帝捨身光嚴重雲殿游僊化生皆震動三日乃止當時謂之祥瑞識者以非動而動在鴻範爲祲

平等寺石像舉頭

平等寺金像垂淚

北史末熙二年平等寺浮屠成孝武會萬人于寺石佛低舉其頭終日乃止帝禮拜之

洛陽伽藍記平等寺門外金像一軀高二丈八尺相好端嚴常有神驗國之吉凶先炳祥異孝昌三年十二月中此像面有悲容兩目垂淚遍體皆濕時人號曰佛汗京師士女空市里往而觀之有比丘以淨綿拭其淚須臾間綿濕都盡更換以他綿俄然復濕如此三日乃止明年四月余朱榮入洛陽誅戮百官歿於塗地永安二年三月此像復汗士庶復往觀之五月北海王入洛莊

帝北巡七月北海大敗所將江淮子第五千盡被俘虜無一得還永安三年七月此像悲泣如初至十二月余

朱兆入洛陽擒莊帝崩于晉陽

按宋嘉祐中邕州佛寺塑像其手忽振動晝夜

不止未幾交趾入寇城幾陷其後又動而僧智高反圍城卒陷之屠其城去熙寧元年又動郡守錢師孟知其不祥亟取投之江中遂無他物理不可解佛豈爲是也哉以五行傳推之近土失其性也又江東宣州大火幾焚其半前此亦有鐺佛坐高丈餘而身忽迭前迭却若俯就人者數日土人方駭既而火作蓋幾邕州之異乎

臨洮長人

宕渠長人

五行志秦始皇帝二十六年有大人長五丈足履六尺皆夷狄服凡十二人見于臨洮天戒若曰勿大爲夷狄之行將受其禍是歲始皇初并六國反喜以爲瑞銷天

下兵器作金人十二以象之遂自賢聖築長城故大人見于臨洮明禍亂之起按水經注秦始皇二十一年長狄十二見于臨洮長五丈餘以爲善祥鑄金人十二以象之各重二十四萬斤坐之宮門之前謂之金狄皆銘其背曰皇帝二十六年初兼天下以爲郡縣正法律同度量大人來見臨洮身長五丈足六尺李斯書也故衛恒叙篆曰秦之李斯號爲工篆諸山及銅山銘皆斯書也漢自阿房徙之未央前俗謂之翁仲地皇二年王莽夢銅人立惡之念銅人銘有皇帝初兼天下文使尚方工鑄滅所夢銅人膺文後董卓毀其九爲錢其存者三魏明帝欲徙之洛陽重不可勝至霸水西停之漢晉春秋云或言金狄泣故留之石虎取置鄴宮符堅又徙之長安毀二爲錢其一未至而苻堅亂百姓推置陝北河中于是金狄滅除

華陽國志秦始皇時有長人二十五丈見宕渠秦史胡毋敬曰是後五百年外必有異人爲大人者及李雄之王祖世出自宕渠有識者皆以爲應之

陳焦埋六日更生

柳榮歿二日忽言

吳志孫休時吳民陳焦歿埋之六日更生穿土中出搜神記臨海松陽人柳榮從張悌至揚州榮病歿舡中二日時軍已上岸無有埋之者忽然大呼言人縛軍師

人縛軍師聲激揚遂活人間之榮曰上天北斗門下卒見人縛張悌意中大愕不覺大呼言何以縛張軍師門下人怒榮叱逐使去榮便去怖懼口餘聲發揚耳其日悌戰死

黑衣人呼官今大赦

玄衣人說三日而赦

載記苻堅親爲赦王猛苻融供進紙墨有一大蒼蠅入自牖間鳴聲甚大集于筆端驅而復來俄而長安街巷市里人相告曰官今大赦有司以聞堅驚謂融猛曰禁中無耳屬之理事何從泄也於是敕外窮推之咸言有一小人衣黑衣大呼於市曰官今大赦須臾不見堅歎曰其向蒼蠅乎聲狀非常吾固惡之

朝野僉載貞觀中南康黎景逸居于空青山嘗有鵲巢其側每飯食以餒之後隣地失布者誣景逸盜之繫南康獄月餘効不承欲訊之其鵲止于獄樓向景逸歡喜似傳語之狀其日傳有赦官司詰其由來云路逢玄衣素衿人所說三日而赦至景逸還山乃知玄衣素衿者鵲之所傳

太原生婦

周冢殉女

傳子時太原發冢破棺棺中有一生婦人將出與語生人也送之京師問其本事不知也視其冢上樹木可三

十歲不知此婦人三十歲常生于地中邪將一朝歿生
偶與發冢者會也

顧愷之啟蒙汪魏時有開周王冢者得殉葬女子經數
日而有氣數月而能語年可二十送詣京師郭太后愛
養之十餘年太后崩哀思哭泣一年餘而歿

桑生于朝一暮大拱

桑生于宮數日而枯

史記亳有祥桑穀共生于朝一暮大拱帝太戊懼問伊
陟伊陟曰臣聞妖不勝德帝之政其有闕焉帝其修德
太戊從之而祥桑枯歿

晉書惠帝九年六月有桑生于宮西廂日長尺餘數日
而枯無何而愍懷太子廢

斷樹復立故處

僵樹自立故處

漢書五行志建昭五年兖州刺史浩賞禁民私所自立
社山陽橐茅鄉社有大槐樹吏伐斷之其後樹復立故
處

又哀帝建平三年零陵有樹僵地圍丈六尺長十七丈
七尺民斷其本長九尺餘皆枯三月樹卒自立故處

按京房易傳曰棄正作淫厥妖木斷自屬師古曰屬連師古曰屬續也師古曰屬妃

后有顓木僵反立斷枯復生師古曰顓天辟惡之如淳謂專寵謂專寵曰天

辟謂天
子也

樹生支如人頭

柱生支如人形

漢書五行志成帝末始元年二月河南街郵檮樹生支如人頭眉目鬚皆具亾髮耳

又哀帝建平三年十月汝南西平遂陽鄉柱仆地生支如人形身青黃色面白頭有顙髮稍長大凡長六寸一分按京房易傳曰王德衰下人將起則有木生爲人狀

陸地生蓮

閣下生蓮

關令內傳喜生時其家陸地自生蓮華光色鮮盛又

晉范甯爲豫章守表新淦縣廳事前陸地生蓮花

萬歲曆齊太和二年閣下生蓮花

儀仗生華

柱節生花

晉書五行志元帝大興四年王敦在武昌鈴下儀仗生華如蓮華五六日而萎落此木失其性干寶以爲狂華生枯木又在鈴閣之間言威儀之富榮華之盛皆如狂華之發不可久也其後王敦終以逆命加戮其尸

南史初蕭紀將僭號妖怪不一內寢相殿柱繞節生花其莖四十有六羃靡可愛狀似荷花識者曰王敦妖花非佳事也

柱生栢枝

柱生槐枝

寰宇記巴郡有栢柱大可十圍高二十餘丈乃公孫述時樓柱所斫之處忽生枝而不朽

玉堂閑話長安城有孫偓家宅居之數世堂室甚古其堂前一柱忽生槐枝孫氏猶障閉之不欲人見暮年後漸漸滋茂以至柱身通體皆變壞其屋上衝秘藏不及衣冠士庶之來觀者車馬填咽不久偓處巖廊居節制人以為應三槐之朕亦甚異也

稗化為稻

桑化為栢

吳志孫亮五鳳元年六月交趾稗草化為稻昔三苗將亾五穀變種此草妖也其後亮廢

晉永康元年壯武國有桑化為栢而張華遇害壯武華之封邑也

北原山下草木有鐵騎象

八公山上草木皆類人形

載記石勒所居武鄉北原山下草木皆有鐵騎之象家園中生人參花葉甚茂悉成人形父老及相者皆曰此胡狀貌奇異志度非常其中不可量也

又苻堅與苻融登城望王師見部陣齊整將士精銳又北望八公山上草木皆類人形顧謂融曰此亦勍敵也

何謂少乎憚然有懼色初朝廷聞堅入寇會稽王道子以威儀鼓吹求助于鍾山之神奉以相國號及堅之見草木狀神若有力焉 水經注八公山無樹木惟重阜耳山上有淮南王劉安廟劉安是漢高帝之孫厲王長子也折節下士篤好儒學養方術之徒數十人皆爲俊異焉多神僊祕法鴻寶之道忽有八公皆鬚眉皓素詣門希見門者曰吾王好長生今先生無往衰之術未敢相聞八公咸變成童王甚敬之八士並能鍊金化丹出入無間乃與安登山埋金于地白日昇天餘藥在器雞犬舐之者俱得上昇其所昇之處踐石皆陷人馬跡存焉故山卽以八公爲目余登其上人馬之跡無聞矣唯

廟像存焉廟中圖安及八士像皆坐牀帳如平生被服纖麗咸羽扇裙帔巾壺枕物一如常居廟前有碑齊永明十年所建也

花印紅迹

壺卽紅色

青瑣記明皇時有獻牡丹者謂之楊家紅乃楊勉家花也命力士將花上貴妃妃方對粧妃用手拈花時勻面脂在手卽印于花上帝見之問其故妃以狀對上詔于僊春館栽來歲花開上有手印紅迹帝賞花驚異其事乃名爲一捻紅後樂府中有一捻紅曲

拾遺記魏文帝所愛美人姓薛名靈芸常山人也芸年

十七容貌絕世時文帝選良家子入宮靈芸別父母淚下沾衣至升車就路時以玉唾壺承淚壺卽如紅也及至京師壺中淚凝如血色矣帝改靈芸名曰夜來來妙于鍼工雖處深帷重幄不用燈燭裁製立成非夜來縫製帝則不服宮中號爲鍼神

雙劍化龍

二鯉化鐵

晉書張華傳華佩干將華誅失劍所在雷煥子華討莫邪經延平津忽躍出墮水見兩龍各長數丈鱗鱗有文章華嘆曰先君化去之言張公終合之論此其驗乎

晉南蠻傳林邑奴文嘗牧牛澗中獲二鯉魚化成鐵用

以爲刀刀成乃對大石嶂而說之曰鯉魚變化冶成雙

刀石嶂破者是有神靈進斫之石卽瓦解

龜生毛

兔生角

述異記商紂時大龜生毛兔生角兵甲將興之兆

按龜毛兔

角佛家有此說似謂世所必無者若述異記所載則復有之斯亦奇甚矣

松變爲青牛

梓化爲青牛

嵩高山記嵩嶽有大松樹或百歲千歲其精變爲青牛或爲伏龜採食其實得長生

郭氏玄中記秦文公伐大梓樹不克夜有鬼問梓樹樹

馬志 卷十二
日豈柰吾何鬼曰若使三百人披頭以絲繞樹豈不敗
汝樹默然不應明日人言于秦王王依此言伐之中有
青牛逐之入澧水 列異傳秦文公時梓樹化為牛以
騎擊之騎不勝或墮地髻解被髮牛畏之入水故秦因
是置旄頭騎使先驅

牛化為虎

羊化為狼

述異記周幽王時牛化為虎羊化為狼洛南有避狼城
云 幽王時群羊為狼食人故築城避之今洛中有狼
村是其處也

牛言

犬言

晉惠帝太安中江夏張騁所乘牛言曰天下亂乘我何
之騁懼而還犬又言曰歸何早也 按京房易數曰牛
能言如其言占吉凶 易萌氣樞曰人君不好士走馬
被文繡犬狼食人食則有六畜談言

秦昭時牡馬生子

漢哀時牡馬生駒

史記秦孝公二十一年有馬生人昭王二十年牡馬生
子而死劉向以為皆馬禍也孝公始用商君攻守之法
東侵諸侯至于昭王用兵彌烈其象將以兵革抗極成
功而還自害也牡馬非生類妄生而死猶秦恃力彊得

天下而還自滅也一日諸畜生非其類子孫必有非其
姓者至于始皇果呂不韋子

漢書五行志哀帝建平二年定襄牡馬生駒三足隨群
飲食太守以聞馬國之武用三足不任用之象也

猫犬作人言

乘馬作人語

北夢瑣言唐左軍容使嚴遵美于閤宦中仁人也自言
北司馬供奉官勝衫給事無秉簡入侍之儀又云樞密
使解署三間屋書櫃而已亦無視事廳堂狀後貼黃指
揮公事乃是楊復恭奪宰相權也自是嘗思退休一旦
發狂手足舞蹈家人咸訝傍有一猫一犬猫謂犬曰軍

容改常也顛發也犬曰莫管他從他俄而舞定自驚自

笑且異猫犬之言遇昭宗播遷鳳翔乃求致仕梁州蜀

軍收降興元因徙于劔南依王先主優待甚異以青城

山下別墅居之年過八十而終其忠正謙約與西門李

玄爲季孟也于時誅宦官唯西川不奉詔由是脫禍家

有北司治亂記八卷備載閹官忠佞好惡嘗聞此傳偶

未得見卽巷伯之流未必俱邪良由南班輕忌太過以

致參商蓋邦國之不幸也先是路巖相成都移渚宮

所乘馬忽作人語且曰蘆荻花此花開後路無家不久

及禍然畜類之語豈有物憑之乎石言于晉殆類此也

狗生角

鷄生角

漢文帝後五年六月齊雍城門外有狗生角京房易傳曰執政失下將害之君子苟免小人陷之厥妖狗角

生

晉安帝四年有鷄生角角尋墮落

豕生兩頭

豕生四足

豕生八足

牛生六足

晉書永嘉中壽春城內有豕生兩頭而不活周馥取而觀之時識者云豕北方畜胡狄象兩頭者無上也生而

死不遂也

又建武元年有豕生八足

舊唐書京師人家豕生兩首四足有司欲奏實參曰此

輅輅中雌鷄化為雄

府史家雌鷄化為雄

漢書五行志宣帝黃龍元年未央殿輅輅中雌鷄化為

雄毛衣變化而不鳴不將無距

顏師古注云將謂率領其群也

又元帝初元中丞相府史家雌鷄伏子漸化為雄冠距

鳴將

雀生鳥

雀生驪

燕生鷹

燕生爵

法苑珠林帝辛之時有雀生鳥在城之隅太史占曰以

小生大國家必昌帝辛驕暴不修善政殷國遂亡

晉五行志黃初元年未央宮中有燕生鷹口爪俱赤此

與商紂宋隱同象

國策宋康王之時有雀生鷩於城之隅使史占之曰小而生鷩必霸天下康王大喜于是滅滕伐薛取淮北之地乃愈自信欲霸之速成故射天笞地斬社稷而焚滅之曰威服天下鬼神罵國老諫臣爲無顏之寇以示勇割偃之背鏃朝涉之脛而國人大駭齊聞而伐之民散城不守王乃逃倪侯之館遂得而歿見祥而不爲祥反爲禍

五行志成帝綏和二年三月天水平襄有燕生爵哺食至大俱飛去京房易傳曰賊臣在國厥咎燕生諸侯銷一日生非其類子不嗣世

乾輅中雌鷄化爲雄

府史家雌鷄化爲雄

漢書五行志宣帝黃龍元年未央殿輅輅中雌鷄化爲

雄毛衣變化而不鳴不將無距

顏師古注云將謂率領其群也

又元帝初元中丞相府史家雌鷄伏子漸化爲雄冠距

鳴將

雀生鳥

雀生鷩

燕生鷹

燕生爵

法苑珠林帝辛之時有雀生鳥在城之隅太史占曰以小生大國家必昌帝辛驕暴不修善政殷國遂亡
晉五行志黃初元年未央宮中有燕生鷹口爪俱赤此

馬志
與商紂宋隱同象

國策宋康王之時有雀生鰥於城之隈使史占之曰小而生鰥必霸天下康王大喜于是滅滕伐薛取淮北之地乃愈自信欲霸之速成故射天笞地斬社稷而焚滅之曰威服天下鬼神罵國老諫臣爲無顏之寇以示勇割偃之背鋏朝涉之脛而國人大駭齊聞而伐之民散城不守王乃逃倪侯之館遂得而歿見祥而不爲祥反爲禍

五行志成帝綏和二年三月天水平襄有燕生爵哺食至大俱飛去京房易傳曰賊臣在國厥咎燕生諸侯銷一曰生非其類子不嗣世

白黑鳥鬪

蒼白鵞出

漢景帝三年十一月有白頸烏與黑烏群鬪楚國呂縣白頸不勝墮泗水中歿者數千京房易傳曰逆親親厥妖白黑烏鬪于國時有吳楚之反

晉孝懷帝永嘉元年二月洛陽東北步廣里地陷有蒼白二色鵞出蒼者飛翔冲天白者止焉董養曰步廣周之狄泉盟會地也白者金色國之行也蒼爲胡象其可盡言乎是後劉元海石勒相繼亂華

內蛇與外蛇鬪鄭南門中

外蛇與中蛇鬪孝文廟下

左傳魯莊公時有內蛇與外蛇鬪於鄭南門中內蛇死
按漢書五行志劉向以爲近蛇孽也先是鄭厲公劫相
祭仲而逐兄昭公代立後厲公出奔昭公復入死弟子
儀代立厲公自外劫大夫傅嘏使僂子儀此外蛇殺內
蛇之象也

漢書五行志武帝太始四年七月趙有蛇從郭外入與
邑中蛇鬪孝文廟下邑中蛇死後二年秋有衛太子事
事自趙人江充起

蝗鑽土飛出

蝗穿地而生

載記劉聰時河東大蝗惟不食黍豆靳準率部人收而

埋之哭聲聞十餘里後乃鑽土飛出復食黍豆

又石勒時河朔大蝗初穿地而生二旬則化狀若蠶七
八日而卧四日蝗而飛彌亘百草唯不食三豆及麻

魚見武庫上

雉雊武庫中

魏志嘉平四年夏五月魚二見於武庫屋上此魚孽也
王肅曰魚生于淵而亢于屋介鱗之物失其所也邊將
其殆有棄甲之變乎

晉書武庫封閉甚密其中忽有雉雊張華曰此必蛇化
爲雉也開視雉側果有蛇蛻

魏嘉平中二魚集武庫屋上

見上

晉太康中二鯉集武庫屋上

晉書武帝太康中有鯉魚二見武庫屋上于寶以爲武庫兵府魚有鱗甲亦兵類也京房易妖曰魚去水飛入道路兵且作

炊飯化螺

炊黍變血

晉書石崇家稻米飯在地經宿皆化爲螺時人以爲族滅之應又衛瓘家人炊飯墮地盡化爲螺歲餘及又裴楷家炊黍在甑或變爲拳或作血或作蕪菁子其年卒

蠶蛾喫人

飛冬螭螫人

靈徵志世宗正始二年三月徐州蠶蛾喫人甕殘者一百一十餘人死者二十二人

梁武帝紀太清二年九月益州市有飛冬螭萬群螫人死

燕尾謠

黃爵謠

五行志成帝時童謠曰燕燕尾涎涎張公子時相見木門倉琅根燕飛來啄皇孫皇孫死燕啄矢其後帝爲微行出遊常與富平侯張放俱稱富平侯家人過河陽主作樂見舞者趙飛燕而幸之故曰燕燕尾涎涎美好貌也張公子謂富平侯也木門倉琅根謂宮門銅鑲言將

馬志
卷一
尊貴也後遂立爲皇后弟昭儀賊害後宮皇子卒皆伏辜所謂燕飛來啄皇孫皇孫死燕啄矢者也

又成帝時謠曰邪徑敗良田讒口亂善人桂樹華不實黃爵巢其顛故爲人所羨今爲人所憐桂赤色漢家象華不實無繼嗣也王莽自謂黃象黃爵巢其顛也

駢志卷之十二